

南潯志卷五十九

里人周慶雲纂

志餘十 詩話

高士奇天錄識餘沈富字仲榮行三人因以萬三秀呼之元末富甲江南其弟貴以詩諷萬三云錦衣玉食非為福檀板金樽可罷休何似子孫長久計瓦盆盛酒木絲裘萬三不聽貴遂隱於終南不知所終洪武初每縣分人為哥畸郎官秀五等家給戶由一紙哥最下秀最上等中又各有等

鉅富者謂之萬戶三秀如沈萬三秀乃秀之三者潯輯董志藝文載董份敝廬始成曹侍御過訪見贈次韻奉答詩云故里初營水石居擬將蕭散當園廬漸栽蘿薜思成幄愛種芭蕉為學書卧向烟雲朝日過坐依河漢晚涼舒非君載酒

南潯志

卷五十九

志餘十

一

追懽宴誰慰談元寂寞餘今攷泌園集此詩首句故里作帝里蓋指都中邸第也乃改竄編入潯志謬矣范氏潯溪紀事詩注亦沿其誤

蠅鬚館詩話董裘夏先生為其祖遐周先生言行略曰先生述董氏家語近始潯川言始祖仁壽公自梅林遷潯上里中呼為三老董公元末行中書省三辟之公歎曰龍不隱鱗達者深痛竟不應遂鑿石為船以見志曰此船可爛吾其出矣遐周先生曰北宋徽宗朝吾梅林第一祖金紫光祿大夫貞元公與蔡京背馳者若中父老至今傳詠其詩有三槐九棘浮雲外一樹寒梅寄我心之句吾先世世有隱德吾欲草創石船志用昭示吾後人也然石船志卒未就又曰范長倩先生允臨書牘曰故人

董遐周大宗伯之孫黃門之子儀部之弟鹿門茅先生之外孫而稱館甥于沈大司空泰垣先生然遐周自拔足雲霄之表是能讀三墳五典八索九邱文心開闢巨靈擘山磊落有古節士風槩使天下不敢以富貴目梅林氏者吾遐周之力也又曰先生晚病足杜門著述體清羸自爲瘦居士傳行世輯吳興備志未竟崇禎戊辰八月廿四日卒前一日猶兀兀點筆也年僅四十有三

湧幢小品余與董伯念分詠走馬燈董正雄盛余結曰炎炎誰稅鴛蠟盡是歸程伯念捏紙聳然

蠅鬚館詩話董遐周先生鑑曾祖母之曾大父也所著有吹景

集凌忠介公義渠爲之序其書長於攷訂實在楊用修胡元瑞

南潯志 卷五十九 志餘十

之上嘗記其癸丑春夢中得句云石鏡逢秦女山精照落花政使醒時爲之未必奇險乃爾又曰癸亥長至第三日夢與孝若舅看月得句云便作一庭白虛堂分浩然甲子二月二日夢闔孫孟樸詩表有攜妓入山寺詩僅憶二語云織裾禮精舍殘日射人黃亦俊語也夢中爲詩幻矣夢闔友人詩而成句則更幻矣先生所著有靜獻齋詩及廣博物志尤精深內典其靜獻齋嚙記曰雲樓大師初參悅心叟叟問云汝何處人師曰浙江人叟曰卻爲何事師曰特到這裏來求和尙開示叟曰你在三千里外遠遠來開示我教我將甚麼來開示你師當下領悟師北歸住吾潯豆腐橋廢寺中苦行三年無知者由潯至雲樓卓錫可補塔銘之闕又曰聞谷印禪師神識湛朗具正知見昨過潯

之祇園寺余往參禮茶次云如天命之謂性居士作麼生會余無對他客有拈紫陽語者師云不是良久云莫之爲而爲者天也莫之致而至者命也這便是現成注腳按此論開自祝京兆京兆晚歲大有悟入今爲吳中王路菴伽藍袁石公有記刻石甚異也此皆吾潯鎮之掌故故具著之

敝帚齋餘談吳江令祝麟初名似華初到以風力自命時南潯董氏有田數萬在吳江祝立意苦之未幾以暮夜得解吳江人爲一詩曰吳江勁挺一莖竹纔逢春雨便葉綠青枝一夜透干梢登時改節彎彎曲竹謂祝姓董禮部號青芝用事沈醫生號春宇葉六則心腹書辦也又吳俗呼現錢爲梢故謔語云然此辛卯年事

南潯志

卷五十九

志餘十

三

金以銘鞠逸吟廬雜鈔朱文肅未第時醇謹老成不屑以浮華博虛譽時董潯陽宗伯家居素以文名里中習舉子業者咸切就正董亦樂於獎勸乃約淡旬爲期與諸生集東藏禪院命題角課以月旦自任焉朱所居與禪院相去僅隔一溪依期赴約董奇其文每擊節不置一日董見諸生環侍執禮甚恭乃欣然曰滿園桃李皆春色問東君誰是先生無以應朱輒離席對曰一天星斗煥文章唯北極堪爲主宰董愕然由是益奇之後朱登第位出董右積薪居上殆亦有預讖歟

錢謙益試拈集謙益夢與李長蘅談詩長蘅口誦一絕句歎其清婉有味云是湖州董伯念登第後有寄作也覺而記之舊巢雙燕到依稀風入疎窗燭淚肥短雨輕寒催曉夢夢中渾未着

朝衣

蠅鬚館詩話星名次第列銀光點將標題當飲章聖主青年方好武卷頭先問李天王此明時天啟宮詞也原注曰或有用水滸傳罡煞星名配東林諸人以供談謔之資如托塔天王則李三才也及時雨則葉向高也崔呈秀得之名曰點將錄佳紙細書與天鑒錄同志錄同付逆賢逆賢乘間以達御覽上不解托塔天王爲何語逆賢詳述溪東西移塔事意欲使上知東林強暴有如此徒所當翦也上傾聽嘖嘖若恨不同時者逆賢計阻匿其書逡巡而退此詩共百首舊題虞山陳綜著今闕點將錄內有吾潯朱相國平涵在錄汪志按錄云地伏星金眼彪大學士朱國禎施恩鑑按平涵當日不第見於此錄卽東林籍貫浙江十一人朱國禎居其首又盜柄東林南潯志

卷五十九

志餘十

四

夥東林盛楊時喬鼻祖吏部侍郎朱國禎南司業先之歸德江夏託足後著湧幢小品伏挺擊紅丸二案得大拜此非吾潯溪史冊之光哉

楊復吉夢闌瑣筆唐韋刺史應物爲蘇州郡神祠在府學中祈禱者住宿輒以平日詩句示之有楚人遊幕吳中家無音耗至廟祈之示以居閒始自遣微感忽難收之句後旋歸其妻已歿惟一女在焉始悟此詩下聯乃歸來視幼女零淚緣纓流也一士人夜在學之西廡見韋公着大冠絳袍車騎人馬旌幢繖蓋並從祠前大椿樹上冉冉騰空而去董若雨爲作迎神歌曰韋蘇州山空無人霜葉滿寶幢雲馬何時返又曰韋蘇州山情水性詩骨寒安能局促爲神官

蠅鬚館詩話溇上趙長文先生爲董若雨先生之師所著有乍醒詩草今亦罕見嘗得句云斜陽射遠水故寶雲洗藥池編有憶里中趙長文先生詩云鈔詩翻釘時文背作隸驚抽章草心憶著斜陽射遠水市樓句子有人吟蓋以此也豐草庵前集又有趙先生乍醒草序

計發魚計軒詩話董若雨先生有怨鶴行事旣悽斷詩亦古雅絕倫序云客有南州生少年遠游不得意流館西吳閨人鬱鬱以歿一日託形野鶴飛集生館值生醉甚對鶴訴愁鶴忽墮淚生悶絕旣而嗚咽爲閨人語曰君不如歸去我死矣魂魄渡江尋君至此言訖而蘇鶴亦飛去余聞其事爲作怨鶴行復成白鶴怨二首白鶴復白鶴獨立兀如醉驅汝汝不飛那作仙人驥

南溇志

卷五十九

志餘十

五

一不飛亦不舞斜陽傍行子低頭語白鶴惆悵儂如爾解二白鶴

長鳴行客沾裳白鶴淚垂一何琅琅鶴鳴尙自可鶴淚愁殺我

解三呼郎來前念郎愁苦儂不慕封侯願郎還故宇欲知腸斷絕

衣上吳山雨解四夜逐巫山雲搖蕩五湖裏天風知妾恨吹渡蘋

洲水解五幾回夢裏度金微此夜蘋洲喚客歸與君化作鴛鴦鳥

越水吳山只共飛怨鶴啼痕染客衣愁魂歷歷是耶非從今添

入相思譜不羨當年老令威按鈕琇觚賸其怨鶴行詞句稍有

兀如醉驅汝汝不飛那作仙人驥異同並錄如下白鶴復白鶴獨立

頭語白鶴惆悵儂如許白鶴長鳴行客霑裳白鶴淚垂一何琅

琅不願封侯願君還故宇欲知腸斷絕衣上錢塘雨蠅鬚館詩話張億孃簪花圖康熙初年楊子鶴筆也卷中題詠

幾及百人吾里董若雨云墮馬新鬢髮半垂海棠片片濕胭脂

簪花自愛花間影休向傍人間可宜董本諸生後出家名南潛  
又董若雨一夕與其二子樵未論詩未偶吟唐人軍敗鼓聲死  
之句因復拈死字令各呈句以詩都不得佳遂口占云旗紅閃  
落霞甲麗明秋水馬上響刀鏗輕軀爲君死可稱警絕

魚計軒詩話寶雲詩集爲董若雨先生出家後所著其從子芝  
筠漢策序云先生糠粃世緣冥跡高蹈瓶錫所至唯恐人知故  
去而不留卽所作詩亦湔浣紛華殆盡又云楚齒落梅靜睇鴻  
雪則有畫石編西荒編操艇鳧蕩搖藤噬雪則有洗藥池編船  
子往來倏忽無礙松飄紅墮聲冥太空則有積雨編夕香編掛  
瓢集拂雲集可謂得其意匠矣

又月函大師嘗和江村乞米詩云煙簑一領學漁師趁着柑黃  
南溟志

卷五十九

志餘十

六

霜翠時飽喫江村冷焦飯蓬窗對和叩門詩冷韻孤垂幽標獨  
拔同時確菴和尚曉青愛之遂和韻至七十首題曰江村擬韻  
編如冰雪清懷老此師貧無錐立歲寒時藿鹽自飽空山腹索  
債敲門半爲詩煙江萬頃一鷗師句裏雲濤怒立時末代斤斤  
守繩墨書生原自不知詩其傾倒至矣

又詩之起句最難得佳月函師詠蒲扇云能使山堂下江湖風  
浩然發端警策不意得之小小題

又詠水仙花昉自山谷老人近搜得絕句三首皆可喜者歸安

沈鳳于爾燦云青磁文石護嬋娟移傍銀燈倍可憐應是祝融

峯上女夜深環珮下溫泉

自注祝融女丁芊嫁元冥之子王夫其學水仙居于溫泉

又前輩

董若雨說云肌膚冰雪縞衣裳洛水神妃試淡妝不用花名重

錫賚獻之舊有十三行董南谷浩云碧玉叢中短短枝綠衣素面大寒時水仙祠對孤山面本與梅花有舊知

楊鍾羲雪橋詩話董若雨名說後爲僧名南潛有豐草庵詩集蠶豆詩云誰賦田園雜興題琅玕記取夏初垂喜看桑底新懸莢恰值蠶眠未吐絲細雨賣茶聲過後竹煙燒筍火停時沙瓶漆欄分前詠豌豆今逢第二詩自注誠齋蠶豆詩有沙瓶新熟西湖水漆欄分嘗曉露餘又言蠶豆未有賦蓋豌豆也吳人謂之蠶豆姜西溟曰吾鄉以吳人蠶豆爲豌豆而以吳人所謂寒豆者謂之蠶豆至今猶然見湛園札記上元孫韶蓮水在阮文達幕賦瓢兒菜云嫩葉如瓢飽露華白門佳種勝黃芽鋤當顏巷三秋晚來趁吳帆一幅斜小雪時光人中酒故園風味客思

南潯志

卷五十九

志餘十

七

家使君淡泊甘如許海玥江珧未足誇二詩頗相似

蠅鬚館詩話孤游只共茗帚行得地不算烟水程埽治一片受足地罷遣亂葉紛縱橫百無所能昔鑄印老充炙背蹲南榮寺廊供職職自補帚輕臂緩猶堪擊煩將迂嬾訴主者乞假寸晷聽黃鶯此寶雲和尚埽地歌自題漏霜茗帚圖詩也其圖爲海山呂時敏學所寫一頭陀黝然而長頤霽面目蕉萃短髯禿髮手持一帚卻身而罄折余見之于紀氏殆舊藏高足弟子大韶家今復歸董氏海山畫名已見秀水張徵士庚畫徵錄曹敦山

先生敝帚編有呂海山傳若呂君者蓋亦吾潯之方伎不可得

而泯也

汪志按敦山于傳後自記云余十五歲時曾一識海山今幾五十年矣海山歿已久已已仲夏忽夢海山乞余

作傳寤而奇之頃刻成此

雪橋詩話續集董若雨首陽詠云草笠古鬚眉首陽一樵子擔柴入都城閒話青峯裏云有兩男兒飢死西山陞白髮齊太公泪滴青蘋水還顧召公言采薇人已矣余謂當日之爲太公者雖出處異趣或尙有念舊之思若在今日則盜憎主人方謂二子爲好名而胡不遄死也錢辛楣所爲若雨傳稱其詩荒淡清遠有云孟郊不在唐聲在吳山雨又云沈珪對膠法象先滿絹理俟其物性窮始得浮氣死蓋自評其詩云爾所著書甚眾辛楣得其手稿數百葉皆志乘所未及舉者稍次第之合題曰補樵書補樵南潛漏霜皆若雨自號

蠅鬚館詩話豐草菴集張非翁爲余買書志感感恩聊寄綠葵箋重結他生文字緣門外苦催賒藥券人閒誰假買書錢空登

南潯志

卷五十九

志餘十

八

西閣日相望同在南村竟各天萬卷子孫能永保只教世世頌高賢蓋張與遐周先生交好宜其惓惓如此故豐草菴文集又有書先君贈非翁長歌墨蹟後曰每欲搜羅舊文集先人遺事爲高暉堂家語一書如東生能始諸先生集中贈和之作爲詩文緣雲栖憨山兩大師法語爲出世緣與閔康侯先生讎書討論諸文爲著述緣先人集中前後遊覽名勝諸詩爲山水緣先人手跋碑版舊文名賢墨蹟諸文爲圖書緣清緣畢集子孫永寶甚善恨病未就也先大宗伯手評兩漢書真本落人間非仲先生力購歸先人先人手書長歌爲謝非仲先生義甚高家語圖書緣此爲冠矣昔康侯先生家富藏書天性嗜學如劉伯倫之於酒謬謂余讀書無經生習氣辛壬以後或徵奇字或證異



聞尺書日走潯上病甚猶強起寄書于余論同名錄二百餘字  
言微楷細也康侯于余家殆世有著述緣而數年來非仲先生  
授經南村憐余愁病則爲余買書故病孔雀編載志感詩有萬  
卷子孫能永保只教世世頌高賢之句非翁于余家亦世有圖  
書緣矣非仲家居湖濱之吳淞故集中又有聞非翁卜居潯上  
之作其他如題張文通先生古今經傳序畧云讀序畧者聽之  
某世某年月日慎勿疾馳章句加深思始皇帝三十四年制可  
丞相斯非醫藥卜筮種樹之書皆燒之皆燒之六經不絕如絲  
故漢有京房故吳有虞翻故熙寧己酉孟冬望日文同有黃氏  
易圖後題故淳熙四年丁酉冬十月戊子序詩集傳新安朱熹  
春秋善惡並書聖如天覆無是非翁作序略師仲尼異同森列

南潯志

卷五十九

志餘十

九

人自知敬識時日寓所悲倡和甚多不能一一詳也

冬心廬雜鈔黃九烟先生詩云高山流水詩千軸明月清風酒

一船借問阿誰堪作伴美人才子與神仙此詩先生鑄作圖章

今存沈柳橋

登瀛

家又自鑄印文曰性剛骨傲腸熱心慈

王士禎香祖筆記黃九烟性簡傲嘗遊嘉善遇一人負薪過市

口作吟哦聲揖入詢其名氏曰崔姓名金友出其詩五言云花

落無人徑雲飛到處山七言云因風去住憐黃蝶與世浮沈笑

白鷗又云吟思白墮傾家釀坐對青山讀異書自號樵隱黃驚

異因與定交

尤侗良齋雜說黃九烟周星前明進士也楚人流寓吳中家貧

落拓不得意悲憤發狂投南潯河而死與鵝池生宋登春相類

然鵝池依徐宗伯學謨居禮數有加一旦懊惱辭去呼舟亂流躍入錢塘湖死邢太僕紀之甚詳今九烟生無宗伯爲之食死無太僕爲之傳沒沒千古良足悲也其詩甚多有圃庵集又作將就園記蓋空中樓閣也又改韻千字文和予秋波六義皆甚奇予與九烟初不相識一旦貽詩十絕其首云雲龍時地每難同千古才人恨不窮踏徧吳門知幾度今朝始得見尤侗見者訝之予曰無異也唐人詩題皆名而不字卽如子美詩白也詩無敵太白詩飯顛山前逢杜甫可知今人少所見多所怪耳因荅八首其末云遲我談心二十年眾人欲殺爾猶憐從今相樂還相泣慷慨悲歌黃九烟或問黃先生名君而君字黃先生何也予笑曰且讓前輩

南潯志

卷五十九

志餘十

十

魚計軒詩話黃九烟周星爲前明進士上元人鼎革後流寓吾潯年七十忽感愴於懷自撰墓誌作解脫吟十章縱飲盡一斗大醉自沈于水時爲五月五日往余有五日後弔九烟詩末云嗚呼九烟眞進士同時多少曳朱紫狗苟蠅營何足齒先生之魂長在水先生之名且不死

陸長春遊齋隨筆黃九烟生平著作甚多有山曉齋詩集惜未之見查心穀爲仁蓮坡詩話載其遊冒巢民春暉園詩云夢老吳山五十年今朝始得卧蒼烟三峰已叩生公石一水還尋米芾舡海國衣裳名士會醉鄉花月美人天豪情勝事眞千古那羨蘭亭共輞川

又吳江孫孟樸淳經營復社不辭勞瘁晚築梅館居於南潯以

詩自娛其塞下曲云寒雲萬里肅秋霜羌笛吹殘柳葉黃寄語  
閨中莫相憶從軍幾箇得還鄉詞意警策正使偷唐人不堪並  
對梅綰居存草內刪却此詩何也

蠅鬚館詩話孫淳字孟樸吳江人爲嘉興府學生家於湖濱之  
田義村與吳淩月濬相近有別業在南潯曰梅綰居著有梅綰  
居詩草其詩有自潯水入茗省求仲舅云貧將同到舅麴許其  
稱生園鳥呼春樹山光開曉城皆可誦又有哭張天如悲婁吟  
四首案應社之盛實孟樸一人之力當日有爲孟樸口號云案  
頭一部漢書袖中一封薦書逢人便說我哩天如天如其風趣  
可想矣

又孫氏梅綰居以爲在我潯溪者旣不言其處同人求之數十  
南潯志

卷五十九

志餘十

十一

年亦終莫可蹤蹟今讀若雨先生西臺編有重閱梅綰存草感  
賦一律云可憐清嘯靠湖齋屋任溪樵斫作柴杜甫亂來吟咏  
苦謝翱老後姓名埋難忘淡墨傳吟帖忍憶圍燈鬪畫牌十五  
國風曾踏徧平生幾兩破芒鞋五六一聯注云孟樸翁尺牘多  
淡墨欹斜少年喜爲葉子之戲據詩首二語則梅綰居故址還  
當問諸水濱

餘素府君行畧茗城潘仲曦年伯善詩嘗從其岳翁韓蘧廬游  
得其指授故詩律精整時時與先君子唱和嘗曰我悔不遊寶  
雲之門其清明日懷沅州龔甥詩芳草徑連寒食雨落花門掩  
夕陽天嘗雜誦之

又先君子曰往與裘夏江屏書田喜曾限韻倡爲夏日田園雜

興和者甚眾張丹宸有楊柳灘頭釣笠焦之句本師極賞乙亥夏家祠落成沈天與一聯云茲值櫻筍薦新適會松楸落構一時其賞其清新張晚歲甚貧然頗具風骨

又余游京師寓某紳天與適來就選來往甚密某紳嗣以其老也輕之堂中有菊因贈句曰茗溪主人人似菊庭前列菊菊如賓我來見菊不見主菊亦賓中作主人夫昔人不肯爲五斗米折腰豈欺我哉因決意歸

又董存素先生與先君子總角交試必同寓晚年往來尤篤家素饒適某房姪因伊戚媒蘖其間幾至爭訟先君子力爲排釋而止閔湘人有句云碧梧陰下收棊局紅藕花中滌酒筍先君子謂不孝端曰此汝岳翁晚年實錄也

南潯志

卷五十九

志餘十

三

雪橋詩話續集烏程董若雨三子樵字裘夏末字江屏舫字閔仙均能詩裘夏句如滿川風雨公無渡一軸圖書忽不貧讀騷醉便呼奴僕看竹狂思策子孫對句皆用孟東野語江屏哭兒二首云峽猿清晝雨沈沈病憶孱羸痛愈深誤把三生捐故紙纔餘一骨裹秋衾烟銷劉蛻埋文冢魂結方干及第心博得斷腸碑一統影堂哀輓字南金汲古粗經枉自勞藥爐聲裏煮莊騷抱來膝上王文度看殺江東衛馬曹友許傳文能橐稿弟思慰母諱焚膏病夫不作多時別新點秋霜入髻毛眞摯之思出以雅切自是詩人之詩原序兒名士驪字鳴遠學制舉業鏤心愁之杜甫奚堪熊子重來垂老之其寄子詩云晴窗淡墨箋朱逋翁無望吟成楚些用代大招子草閣孤燈點杜詩會取通儒舊風格唐音宋理一莖絲蓋自

道其得力之所在也裘夏登朝元閣次韵云雲移樹影南唐畫  
雨洗山容北宋詞春閣捲簾人語寂青梅如豆燕來時碧澗磷  
磷走白沙風迴丙舍埽松花拈毫欲繪芝山景黛色雲巒似米  
家江屏雜言云纏纏破墨點金焦意氣橫生十丈綃餘瀋別成  
秋數筆小窗微雨急蕭蕭界破青山到眼詩驚人華頂句誰攜  
雌黃難徇時嘖笑只學毘邪杜口時繁哇一洗舊琴瑟解穢頻  
將羯鼓拋玉茗紅泉重按拍雪蕉眞本落誰家抉髓披肝語自  
豪丹青匱鼎自難逃丰標縱或輸崔琰橫槩英雄肯捉刀談天  
炙輠小齊州蒙叟荒唐快溟游大塊浮青烟九點古今何處著  
窮愁宣和帝子六朝僧贖馥殘膏冷畫屏步履好尋蕭寺壁楊  
芝羅漢鐵樵鷹諸詩皆通畫理張鐵橋名穆善劍術畫入神妙

南潯志

卷五十九

志餘十

三

裘夏贈鐵橋詩有燈前宛轉公孫劍筆下驂騮韓幹圖之句嗚  
遠詩如石如傲客當軒立風解留花著樹輕買得文魚添藻養  
摘來春茗折松烹雞鳳清聲亦自可誦

又范電文司空瓌秀水人居南潯甲辰庶常未散館以人才薦  
改大興令縣故有隱糧一案白京兆發之藩司不悅以他事被  
誣去任在廷有白其寃者世宗追思怡賢王嘗稱其能特擢河  
南鄧州知州王次山詩三年輦下聽歌謳直節清聲到處留太  
息賢王勤荐士重逢恩命畀名州陞萊州江寧安慶等府副使  
廬鳳歷江南直隸布政使自湖北移撫安徽入參臺憲晉佐司  
空乾隆辛巳文武廷臣及予告在籍年七十以上者各九人賜  
游香山製九老詩以寵之電文自丙寅致仕至是與焉賜松岩

樂志額因以松岩爲號丙戌卒年八十七

冬心廬雜鈔孫世楷字維翰南潯人生於蘇州父潮有九子皆早慧以次死維翰居長獨存居葑溪之紅板橋父以豆腐爲業而維翰好讀書善吟詠顏其室曰半巢事親孝與人交油然可親授徒里中有賢聲人稱荳腐才子乾隆四十四年三月咯血死月餘父亦死其母載兩喪歸葬于南潯之野其家遂絕嘗爲秋螢詩云臨風怯上露臺流雨積苔垣燄未收多半著人因不熱故教零落到清秋人謂是天亡之兆云

戴璐吳興詩話董徵君

漢策

字帷儒號芝筠尙書份元孫博聞

宏覽范忠貞撫浙時特薦以科道用旋被臺參放歸忠貞殉耿逆難浙人懷德建祠孤山芝筠往謁詩云淚灑西臺夢欲迷怒南潯志

卷五十九

志餘十

古

濤風急拍長提天涯渺渺無知己埋劍金庭伴鶴棲握機密啟意躊躇篋有陰符返五湖却悔囊錐猶未試女牆望見夜啼烏王崑繩孤忠遺翰序武林陸鯤庭先生乙酉死於難留書辭其母及兄弟其兄麗京先生集一時南北殉難如倪鴻寶陳木叔黃石齋諸君平昔往還書牘贈答詩古文裝潢成卷而附其書於後題曰孤忠遺翰藏之後麗京先生亦遂棄家長往不返其子寅尋之十餘年不得遇丙寅夏寅遇源於京師出其卷示源使源爲之序按鯤庭先生名培以庚辰進士居憂未受職甲申之變南都授行人奉命祭奠淮王而南都不守遂止山中杭州下乃自經麗京先生棄諸生醫隱養母後母卒罹莊史之難幾死乃歎曰吾向不與弟俱死徒以有老母母旣以天年終今又

遭大難幸免尙可以餘生食息人間耶遂棄妻子披髮入山寅  
又以其辭家書數紙與小像并附此卷後今觀其像雉冠戎服  
挾弓矢袴鞞縱馬而馳是豈山中學道之人哉又可悲矣初先  
生罹難時家人俱繫獄吏籍其家裂此卷將燬之先生內弟孫  
君宇臺奔入流涕白吏曰此無用物燬之曷若與我我義存故  
人片紙卽諸君義也吏笑而許之事解復歸之先生此卷得不  
失者孫君力也先生名圻季弟堵人稱梯霞先生某嘗訪之吳  
門岸然高潔士也寅字冠周負至性亢爽有大志善文詞工詩  
曝書亭集有零丁爲陸進士作云寅也敬白零丁尺半紙敢告  
行路諸君子有父有父一去故鄉不知日月幾千里日月逾邁  
二十五年矣請說軀體顏面皮軒眉廣額豐兩頤口輔鬚鬚微

南潯志

卷五十九

志餘十

五

有髭去時牡齒尙未落肩脾亦尙肥平生不怒多笑嬉目無邪  
視頭無俱周尺一尋長過之請說裳衣少新製大布寬袍淚長  
漬帶斷續繩衫裏臂孫孫子子蟻蝨萃有時捫之擲在地兩褶  
敝袴雙足屣寒肌生粟暑生痲婆留鄉語聽易分問以經術辭  
紛綸至若說易尤專門方州部家味易根囊中口譜可等金匱  
文方不自秘恒活人不昧財不逐禍緇衣黃冠無不可惠而能  
以消息聞爲德者君報者我蓋麗京論釋後遊嶺南依金堡丹  
崖精舍一夕夢至琳宮丹梯碧瓦中有神建龜蛇之旒寤對寺  
僧言狀僧楚人謂曰此太和山也先生乃易道士衣往訪竟不  
知所終冠周康熙二十七年舉進士旣釋褐微服往求竹垞效  
東漢戴良體代作零丁一篇授之持以入楚云竹垞辛丑同王

處士猷定施學使閏章陸處士圻泛舟西湖遇雨云東風吹落日西下北高峰欲往南屏路中流聽梵鐘迴船沙岸火驟雨石門松不覺碧雲暮涼煙生幾重零丁序云予早歲以詩古文辭受知先生遂定忘年之款自辛丑夏一別水尚知歸先生獨久不返辛丑爲順治十八年湖州史案在康熙二年下距冠周戊辰進士正二十有五年也

雪橋詩話潘力田與同縣吳赤溟居韭溪皆以南潯莊廷鑑史案牽累事在康熙癸卯亭林汾州祭吳炎潘檉章二節士詩露下空林百草殘臨風有慟歎椒蘭韭溪血化幽泉碧蒿里魂歸白日寒一代文章亡左馬千秋仁義在吳潘巫招虞殯都零落欲訪遺書遠道難西垞西陵後感舊詩潘安曾對酒吳質數論

南潯志

卷五十九

志餘十

六

文舊史悲難續斯人意不羣一爲江海別遽作死生分淒斷山陽笛那堪歲歲聞力田與王曉庵友善曉庵嘗館其家講論算法常窮日夜曉庵每遇天色晴霽輒登屋卧鵝吻間仰察星象竟夕不寐力田著有辛丑曆辨

葉紹袁甲行日注三十日

按爲清順治二年十一月

戊寅晴冷偶閱西湖志

載劉後村弔趙紫芝詩盡出香分妓惟留硯與兒二語韻甚會固無分香事硯有先人所遺一二不知猶存否金奉川送生魚五尾亦放之池共十五魚矣兩君意甚隆天涯旅況何以爲瓊玖之報抵暮德謙與蒼頭至家鄉虜盜交訐人無生意途中胡虜絡繹舟楫難前嗣後信音終付之滇雲隴月矣故德謙南返途次許村偶遇一南潯船卽爲吾輩定之而拉其篙師亦同入



山蓋德謙逐客意已甚久也余自至安廬兩兒病皆幾死又死一僮無多囊橐盡耗醫藥間此行又無半錢粒米寄至無論久留取主人厭實亦不能枵腹存也次日卽爲整裝計矣

陳撰玉几山房聽雨錄錢塘陸景宣圻順治間以史案係獄事白後變姓名出亡過吳中有贈友人詩云小吏衝寒問遠津市門相見欲沾襟當年曾識南州尉搖手休呼梅子眞後聞入羅浮山爲僧不知所終同里洪昉思昇有答人間一首君問西泠陸講山飄然遠引不知還乘雲或作孤飛鶴來往天台雁蕩間魚計軒詩話閩湘人南仲居晟舍爲冢宰某公諸孫天姿超絕書一過終身不忘世變後家苦貧乏幾無以自存嘗詭他姓偕其配自鬻于塘棲大姓所著有碎金集寒玉居集潘太守尙仁

南潯志

卷五十九

志餘十

七

刊于淮陰詩特悽豔動人自遣云子規聲裏歎無家古劍宵鳴月似沙入夢屏幃憐夜玉借人庭館看朝霞鴛鴦獨立同根藕蛺蝶單飛並蒂花怪底狂生多感慨最悲涼處見繁華又與歌者王郎云翠揜修眉絳點唇內家裝束倍銷魂波寒雨淡春憔悴此夜因君一半溫舞散歌闌缺月明海棠春困不勝情風流第一難忘處說罷芳庚說小名誦之如秋林夕照哀蟬抱葉而啼也

南潯備志

嚴鐵橋丈可均曰姚經雪名淳楫

或作浮楫謔

順治康熙

間南潯詩老也五律如幽花隨地發野果隔垣垂灌花螿避穴移樹鳥迷巢七律如窗虛正好看山坐榻靜偏宜聽雨眠絕句如水雲深處無人住我慣尋幽占得來草草結茅臨碧澗小扉

剛好對山開皆清穩可誦有水雲草不傳今人豈能舉其姓名矣

蠅鬚館詩話張爾就先生肩康熙初隱居溪南之石澥工墨竹一時推重鑑近在包山見其墨蹟頗多蓋爾就晚館於山之秦氏十餘年而秀水張氏庚作畫徵錄以爲吳江人者誤也董芝筠有采菊詩爲張爾就賦云誰傳義熙意千載託孤雲寂寂邱中琴音希世無聞張生抱幽興植杖南山耘根株發泉香和風扇秋芬四時樂澹懷庶幾達者羣據詩意蓋亦遺世者歟

又石澥張肩人但知其畫竹不知山水人物亦妙今按西廬集有題赤壁圖云滿目江山已可憐更憑綵筆著秋妍故人明月應相笑夜夜臙臙罩客船原注曰爾就爲敬夫作嘗歎畫赤壁

南溇志

卷五十九

志餘十

六

無佳絕者以不知夜色故也嗟乎洞簫絕響孤鶴不來我輩過從渺如長夜知予心者試屬和焉又用韻贈張肩爾就云髀蓋繇來共密疏妒君容易讀難書必逢疑義輕車似每慨知交落葉如已信習忘同徙宅新傳卻老是多梳無思要自深思得莫道迢迢但見渠觀詩起句似爾就又知天學者賢者固不可測耶

棟花磯隨筆天衣禪師云雁過長空影沈寒水雁無遺跡之意水無留影之心秋寓報國水堂夜拈此語問人間有荅者余皆笑而不言故有溪堂夜話述偈云雁過長空碧影高天衣鳥陣祕龍韜錢唐八月銀濤壯幾箇秋風慣弄潮

南溇備志蘇始芳潘似山太守妾著筠綠贖稿有瀨危口占與

夫子訣別八首末云指上玉環如可驗他生重得侍章公趙虹作賸稿序謂越十六年似山娶得沈大家詢其誕彌日時卽蘇姬卒之日時言貌舉止亦與前身酷肖癡情偶結竟獲再生詩言遂成讖語乃知齊諧志怪不盡無稽也

沈登瀛南潯詩文集錄玉汝沈老先生七袞壽序康熙六年歲次丁未季春鄧山通家眷社小弟萬言拜書按玉汝先生名皇玉與瀛家同籍吳江之震澤鎮未分縣時而非一宗國初寓居于

潯之墨溪與張閒鶴先生輩稱石交蓋亦明遺老也余旣得見閒鶴所贈蘭石卷子于先生文孫退甫處復叩以先生事蹟退甫遂錄此文以示余余曰非特玉汝先生當補入吾潯寓賢傳若萬先生者又其一矣觀序文中日造余室句不曰余寓可知

南潯志

卷五十九

志餘十

九

不僅作數日留不知其何由而至潯留幾時而去也

幽華詩略姚景燾好吟詠亦山之猶子也與先王父棲園公先考檢齋府君爲紀羣交時相過從府君嘗言其室人吳氏名端璵才慧早世有暮春云布穀鳥嘯三月暮牡丹花放十分春寒夜云雁逐寒來應有恨月從秋去久無情又殘花落盡春無影又花落空庭不見春諸句爲人傳誦

遜齋隨筆姚存之先生號蘭仙南潯詩人與謝文若洲齊名予曾錄其春閨一絕今閱張秋水先生鑑蠅鬚館詩話摘其句云樓高初月上寺遠晚鐘沈渚烟沿岸合溪水過橋分花寒垂露重樹老得春先看松雲礙笠坐石蘚黏衣春暖花迷路巒晴鳥變音又風定爐烟留篆跡雨餘庭砌長苔紋當路野花難問種

隔林嘯鳥不知名俱似劍南集中句

又謝文若先生洲號散木祖籍餘姚後遷於潯爲紀白雲先生遠入室弟子張秋水先生鑑蠅鬚館詩話采其句云薄霧不成雨夕陽開晚晴宿雲凝暮色小雪釀輕寒西風翻病葉老雨滴秋寒酸風吟破紙寒雨下深更炊烟隔茆舍嘯鳥在高林墻低不礙月屋老半遮茆秋水翁謂能造宋元諸名家堂奧惜未見其全稿

吳興詩話姚益敬字元吉玉裁女幼時誦木蘭詩問父曰朔氣傳金柝寒光照鐵衣著色實爲大雅若鋪排過多恐近小說父大奇之適辛未進士扶溝知縣董豐垣早歿贈孺人著芬陀利

居稿厲樊榭序以歐陽公目謝希孟有古幽閒淑女之風爲比

南潯志

卷五十九

志餘十

三

蠅鬚館詩話陸翥聲先生賢英爲董南谷高弟少有聲庠序嘗作西吳竹枝詞云薛家鏡子最精良生練曳來半面光拾得龍盤書小字可知前有十三郎自注袁宏道詩薛家鏡子開生練案薛杭人也而業于湖予購一鏡開之止半面光如上弦月背鑄兩行曰湖州石十三郎自照青銅鏡子

魚計軒詩話董南谷浩登庚子科賢書才名藉甚無故得奇疾卧牀第七八年齋志而歿其春日枕上書懷云擊楫吾曾沂大江依然破硯守蓬窗療飢難煮書千卷呵凍空顏筆十雙身困藥鑪眠病鶴戶盈債屨吠寒龙壯懷僵折如梅幹雪壓霜欺勢欲降哀鴻本爲稻梁謀黃鵠今成籠內囚拔宅有天看砥鼎立雖無地且居樓形骸散木非梨果身世均堂任芥舟一卷南華

眞枕秘逍遙吾欲夢中遊  
八窗洞達對春妍  
悶絕重簾障眼前  
籠裏書生非一日  
帷中新婦已三年  
遊山祇許夢廬嶽  
訪友無能泛剡川  
枕席何堪淹歲月  
坐令絲髮漸盈顛  
儉歲筆瓢亦孔艱  
談何容易欲希顏  
典衣賤似鸞齊履  
貸粟難於請鄭環  
無補空糜醫藥費  
多情休怨友朋慳  
詰朝喜動家人色  
縷縷炊煙上屋山  
四詩寫盡貧病無聊之況

又前輩紀白雲深嘗論作詩須有遠神  
讀者亦須有遠神以會之  
蓋遠則淡淡則眞眞則入於妙矣  
記其郡中卽事云  
零星小兩人初起寂寞微風燕未回  
城市不知春已半  
賣花擔上草蘭開  
可以撲去俗塵三斗

又餘姚謝洲字文若寓居南潯著有散木詩集  
五言如宿雲凝南潯志

卷五十九

志餘十

三

暮色小雪釀春寒得意時  
開卷尋歡偶出門  
醉憑村酒力涼受古槐恩  
平隄成遠步涼月趣微吟  
炊煙隔茅舍  
唳鳥在高林  
皆靜正雅淡有唐人風味

又歸安徐芷堂司馬德元在京師賦秋海棠詩四首和者自王公大人以下至方外閨秀殆無慮數百家刻成集後在金川軍幕重賦四首和者又數十家秋海棠亦何幸而遇芷塘歟  
記其後四首之一  
何年擁髻對秋光  
偶現前身未足傷  
曉鏡忽然舒笑歷鬢雲深怕染秋霜  
由來耐冷偏成性  
自小工愁別有腸  
寂寂寂輕陰人不見  
桂花巖畔是虛堂

又本朝冊封琉球國王必妙選詞臣以充使前此送行之什刻入別裁集者亦旣彬彬矣  
近周贊善煌出使琉球紀心齋太僕

復亨以四律送之云春融喜氣指龍荒稽首羣瞻竹冊光萬里  
使星懸地極五更曉日耀天章高帆展盡蓬瀛翠腥霧重開翰  
墨香破浪壯懷憑報國眞看乘去好風長天子臨軒定品題玉  
函跪捧出璇閨恩垂異域歌還舞才選中朝璧與圭島岸日暄  
游巨鬣汀洲潮落集飢鷓遙聞鼓吹迎黃詔城外晴雲簇仗齊  
祝融擁護拜冠纓海色天高颭旂放眼始知輿地大恬波直  
作坦途行風清樓櫓騰鏜吹氣靜魚龍見水城自識使臣風采  
後百蠻讐服倍心驚禮成修貢出鮫宮玉帛梯航仰會同灑遍  
中山仙掌露攜歸兩袖舵牙風水籤記里常馳北斗柄回程又  
指東海外文章稱夙昔定知手筆擅坡翁不爲奇險之語自覺  
高秀故佳

南溟志

卷五十九

志餘十

三

又温陂田進士謁選得大治紀太僕送之詩云天扶樓閣浩茫  
茫曾向西風繫野航山合百蠻開大別水分九派下尋陽雲埋  
舊恨羊公石秋冷疎煙雁戶糧此日送君君有意都來今古淨  
琴張時刑部郎中吳桐村爲作畫幅以贈太僕復用前韻題云  
暗水遙岑接混茫尋幽悵少渡頭航劇憐比部增離思寫送仙  
郎到漢陽夜靜幾時同聽雨山深無吏換輸糧風光藹藹林居  
樂合向琴堂素壁張三君生同里故相好也年來已先後下世  
又生來不帶趨炎性老去彌增憚暑心前輩殷茲在赤珠句蓋  
炎敲爲虐最是損人佳趣乃如國初僧悟塵淨覺云休言炎太  
酷自有冷來時語到了徹恍置身清涼國土

又紀伯紫有眞冷堂詩集按莊子舜之將死眞冷禹曰註謂眞

冷乃其命之誤嶺南許廉訪憲生辰誌感詩末云訓佩書紳眞冷在居家宜儉仕宜廉正用莊子也

又同里董凡夫民傑與余爲詩友庚戌仲春麻溪徐臨皋寄視余新課六首余旣如數次和凡夫見之歎賞不置及病革手書四絕句相訣別末章云潯西老友是詩仙拈出梅花句極妍籠壁有香時觸鼻故應垂死聳吟肩不數日而易篲矣短箋猶在每檢閱輒令我心如割

又同里前輩王谿堂起鵬少負詩名後以明經出宰清澗卒於任五言如輕風翻燕子小雨放梨花風隨寒漏曉月向亂山低竹韻春晴後茶香穀雨前七言如草將野色連荒岸雲放斜陽過別村社雨一番江燕至春寒十日杏花稀三年寄夢秋風外

南潯志

卷五十九

志餘十

三

一榻看山暮雨中皆佳句也

雪橋詩話朱介裴嘗謂遺山論詩絕句中如望帝春心託杜鵑及未害淵明是晉人可惜并州劉越石等語又述次山一首又亂後元都一首皆顯然自寓之詞按遺山論詩三十首丁丑歲三鄉作丁丑爲金宣宗興定元年先生年二十八歲在其登進士第之前四年雖其時蒙古兵已入燕先生自秀容避亂河南至是歲寓居三鄉下距金亡垂二十年不應預作淵明晉人之語以自況介裴此論失考至謂壬辰十二月卽事詩壬辰乃金哀宗天興元年十二月哀宗出奔河北踰年正月濟河使白撒攻衛州敗績遂走歸德詩蓋紀此一聯云只知河北歸銅馬又記臺城墮紙鳶蓋金白撒嘗放紙鳶置文書其上至蒙古營則

斷之以誘被俘者故云此說爲塙其神山考云案定襄縣志神山縣治東北五十里平地壘石如盤似所遺而成者元好問嘗讀書於此因題遺山明傳納誨遊記云神山孤立平野或以爲羣山之所遺也故又名遺山余考元集有壬寅正月九日晨起詩自注云時欲經營神山別業又有外家南寺詩云去國衣冠有今日外家梨栗記當年白頭來往人間遍依舊僧窗借榻眠自注余兒時讀書處也又有外家別業上梁文一篇自述遭亂後播遷情事頗悉合而參之蓋先生外家在定襄故兒時讀書於其邑因取神山之別名以自號晚乃結屋於此山所云外家別業卽神山別業也計壬寅之歲先生年已五十三時金亡已九年矣故上梁文所述皆亂後語又聞此山下至今流水潑洄

南潯志

卷五十九

志餘十

十四

故集中有魚多只說牛家匯何處秋風有釣船之句自注牛家匯在神山下而晨起詩亦云只今東溪把釣竿蓋山國而兼澤國之勝者惜乎縣志語略而晦又失採本集諸條轉使人疑於無證若傳記述遺山之形名頗可據卻無一語及於元夫子者可知昧沒於邑人久矣余故因白菡言而詳著其實至縣志載先生聖阜危樓神山古刹二律集中無之詩甚庸斷是贗作宜削也施北研注遺山詩甚略當據此文補之

又施非熊爲南潯老諸生不利舉業究心於金源一代事跡積數十年著有金史詳校遺山詩文箋其自題金源劄記云閒消我有肆簾風寓墨金源舊事叢野史功臣慙褚補圭齋諍友悔劉通書鈔冷局讐難遍字訂譌傳擬未工長此一編深篋底敢



言載筆附羣公自謂與錢詹事考異有不合處非敢立異本無事於操戈不欲苟同或難逃於撼樹平心論之但求公是其考世宗大定二十八年禁糠禪瓢禪云此習至蒙古始盛耶律楚材湛然居士集西游錄序西域九十六種北方毘盧糠瓢白經香會之徒釋氏之邪也張昱輦下曲肩垂綠髮事康禪淡掃蛾眉自可憐出入內門裝飾盛滿宮爭逐女神仙嘉慶丁丑嘗過黃蕘圃家小住五日與談金元史事如瓶瀉水無一停留爲跋歸潛志云夏六月過復翁家相知十餘年始識面也翁以余喜說金源事因出此舊鈔原校與鮑刻略同惟歸潛堂記之銅壺此作銅臺向閱鮑本壺字不解曾擬改作鞮字今見此臺字乃知舊本之足貴至太宗神射之爲太祖神功李純甫卒於元光

南溟志

卷五十九

志餘十

三

末王仲見爲王慶道猶子良由神川誤記不必校北研謹識沈子敦嘗從問業亦熟於遼金元掌故及西北邊地理

錢泳履園叢話余自束髮卽學松雪翁書至十八九歲最喜臨摹山谷業師林蠡槎謂泳受病已深仍以松雪爲退轉之法後每見松雪墨蹟輒留神披覽如黃庭經樂毅論汲黯傳過秦論及洛神枯樹雪賦頭陀寺碑歸去來辭之類不一而足中年爲英煦齋相國家鈎勒松雪齋帖六卷旣又爲齊梅麓太守鈎勒松雪齋帖六卷則余與松雪雖不同時若有深契焉者嘉慶十八年九月余始遊吳興求所謂水晶宮蓮花莊紅蓼灘諸勝皆草湮木瘁矣惟一品石尙在高氏一老寡婦家鷗波亭則僅存基址在蘆葦中松雪舊宅惟有一門甚低元時舊制也余徘徊

於門外者久之遂告之太守趙公學轍歸安陳公三立烏程彭公志傑刻一碣曰元趙文敏公故里七大字立於舊宅之前一時觀者雲集歸至南潯舟中夜夢松雪翁來謝面圓而白鬢鬢有鬚身着藍衫一如曩時在畢澗飛員外家所見松雪自繪小象者醒而異之乃作詩曰北海追魂迹已陳公來入夢又何因燕臺一宦原如寄公與中峯札云一官如寄鴻蹟千年自有真爭說畫禪成獨絕但言書法亦誰倫雌黃卻怪華亭老不肯從公步步後塵蓋董華亭一生評論松雪至老年則漸漸服膺乃知松雪之書未易言也

冷廬雜識器之有銘由來遠矣見於歷朝者不可悉數茲擇近人所作辭旨簡質者錄之中孫愈愚明經筆銘三寸管一丈舌

南潯志

卷五十九

志餘十

三

慎持之有鬼責

周慶雲家庭瑣語伯曾祖雨舫公家貧以筆墨自給嘗寓吳中與同縣高蘆洲明經湘爲莫逆交公善山水明經營乞畫長卷題詩其上並書扇爲贈其詩云前年與君遊靈巖千峯飛翠寒松杉去年與君訪鄧尉萬樹梅花雲鬣隸愛山惜少買山錢棲遲幽谷嗟無緣歸來寤想已二載今生安得重留連壁間忽起三千疊屋底長生鎖雲葉仙人騎鶴下太清百尺寒泉撲眉睫君本清癯七尺身五十餘年長食貧胸中邱壑匡廬秀袖裏烟霞華嶽真我爲寫向好東絹峰巒隱見時千變關荆黃范世無人絕妙丹青誰稱羨坐使風塵兩頰生百錢疇買蒲葵扇今君與我是同心江南共受霜霜侵兩鬢蕭蕭十指黑老猶挾瑟求

知音我更摩牋飲君酒醉畫峨眉插星斗置身絕頂問蒼天幾時得展拏雲手其跋云雨舫大兄先生爲余作山水卷子逋峭如黃子久蕭遠似倪雲林其清秀勁達之氣又在顧陸張吳之外世人莫知貴也因作長卷識其卷端茲又書便面以質推許之當否時嘉慶戊寅

〔又〕雨舫公遺畫希如星鳳伯父榆齋公猶存手澤道光癸丑其外孫閔朱點大寅爲題七絕四章其序云雨舫公姓周氏字佩璜寅之外王父也家於潯溪秉性沖淡志極嗜學至老不倦一時與之遊者皆茗東名下士如朱松舟温也癡雨贈翁以及鈕平齋祠部高蘆洲明經晨夕過從相與訂莫逆交平生工書畫尤善山水歿後散佚僅存遺藁一幅其孫貽齋持以示我曰此

南潯志

卷五十九

志餘十

毛

我祖墨蹟也子盍爲我跋之余愧不能成公家宅相而撫此殘縑能無悽然動手澤之感爰占四絕並綴數語而題之於其上先生系本汝南傳競羨高風說愛蓮象外偶然遊戲處晴窗參透畫中禪墨化烟霞筆化風神如秋水氣如虹層層繪出林泉景不讓徐熙點染工寫得江山尺幅中半經設色半空濛卻慚我乏添毫筆點綴難稱宅相功賴有殘縑遺後昆當年手澤至今存一時千載名堪憶齋曰題應屬外孫